

Na osnovu člana 41. stav 2. Zakona o upravljanju otpadom („Službeni glasnik Unsko-sanskog kantona“, broj 4/12) Ministarstvo za građenje, prostorno uređenje i zaštitu okoline Unsko-sanskog kantona donosi:

PRAVILNIK O NAČINU VOĐENJA REGISTRA I SADRŽAJA I FORME IZVJEŠTAJA O OTPADU

POGLAVLJE I. UVODNE ODREDBE

Član 1.

(Predmet pravilnika)

Ovim pravilnikom propisuje se način vođenja registra podataka o proizvodnji otpada, upravljanju i postupanju sa otpadom (u daljem tekstu: registar), te sadržaj i forma izvještaja o otpadu (u daljem tekstu: izvještaj).

POGLAVLJE II. REGISTAR

Član 2.

(Sadržaj i način vođenja registra)

- (1) Registar vodi općinski organ uprave nadležan za poslove upravljanja otpadom.
- (2) Registar čini glavna knjiga sa zbirkom isprava koja sadrži evidencije o:
 - a) proizvođaču otpada,
 - b) vlasniku otpada,
 - c) operator kojem je općina povjerila obavljanje djelatnosti sakupljanja, prijevoza i odlaganja komunalnog otpada (dalje: operator).
- (3) Evidencija o proizvođaču otpada sadrži:
 - a) broj dosijea,
 - b) dan upisa u evidenciju,
 - c) ime i naziv,
 - d) adresu,
 - e) šifru djelatnosti,
 - f) identifikacioni broj,
 - g) vrsti i klasifikaciji otpada u skladu sa katalogom otpada utvrđenim odredbama Pravilnika o kategorijama otpada sa listama („Službene novine FBiH“, broj 9/05),
 - h) naznaka o postupku vlastite obrade otpada i
 - i) godišnju količinu nastalog otpada.

(4) Evidencija o operatoru i vlasniku otpada sadrži:

- a) broj dosijea,
- b) dan upisa u evidenciju,
- c) ime i naziv,
- d) identifikacioni broj,
- e) adresa,
- f) broj i datum izdavanja dozvole (samo za operatore koji podliježu izdavanju dozvole za upravljanje otpadom u skladu sa članom 20. Zakona o upravljanju otpadom Unsko-sanskog kantona - „Službeni glasnik USK-a“, broj 4/12),
- g) datum do kojeg važi dozvola (ukoliko je ima),
- h) podatke o lokaciji na kojoj se nalazi pogon i postrojenje ili se obavlja određena aktivnost i geografske koordinate,
- i) napomene.

Član 3.

(Način prikupljanja podataka)

(1) Proizvođač otpada, vlasnik otpada i operator u skladu sa Pravilnikom o vođenju evidencije o otpadu, vode evidenciju o otpadu i dostavljaju podatke općinskom organu uprave nadležnom za poslove upravljanja otpadom.

(2) Na osnovu podataka iz stava 1. ovog člana općinski organ uprave upisuje podatke iz člana 2. ovog Pravilnika u registar.

Član 4.

(Zbirka isprava)

(1) Podaci iz člana 3. stav (1.) Pravilnika predstavljaju zbirku isprava i čuvaju se u numerisanim omotima za svakog proizvođača otpada, vlasnika otpada, operatora za sakupljanje, prevoz i odlaganje otpada.

(2) Podaci iz člana 3. stav (1.) Pravilnika unose se u elektronsku bazu podataka.

Član 5.

(Zbirni registar)

Na osnovu podataka iz izvještaja općinskog organa uprave o podacima o proizvodnji otpada, upravljanju i postupanju s otpadom Ministarstvo za građenje, prostorno uređenje i zaštitu okoline Unsko-sanskog kantona upisuje podatke u zbirni registar podataka za cijeli Kanton.

POGLAVLJE III. IZVJEŠTAJ

Član 6.

(Sadržaj i forma zbirnog izvještaja)

- (1) Zbirni (godišnji) izvještaj o otpadu, koji općinski organ uprave nadležan za poslove upravljanja otpadom dostavlja ovom Ministarstvu, sadrži podatke o:
- a) godini za koju se dostavlja izvještaj,
 - b) organu koji dostavlja izvještaj,
 - c) proizvodnji otpada,
 - d) upravljanju sa otpadom,
 - e) postupanju sa otpadom.
- (2) Forma zbirnog izvještaja prikazana je u prilogu koji je sastavni dio ovog Pravilnika.

Član 7.

(Izvještaj o proizvodnji otpada)

Izvještaj o proizvodnji otpada sadrži evidenciju o:

- a) imenu, odnosno nazivu proizvođača ili vlasnika otpada,
- b) vrsti i klasifikaciji otpada u skladu sa katalogom otpada utvrđenim odredbama Pravilnika o kategorijama otpada sa listama („Službene novine FBiH“, broj 9/05),
- c) količini otpada izraženu u kg/m^3 ,
- d) količini otpada koji je na području općine na kraju godine odložena na mjestu proizvodnje (količina otpada koja je privremeno odložena).

Član 8.

(Izvještaj o upravljanju otpadom)

Izvještaj o upravljanju otpadom sadrži podatke o:

- a) imenu, odnosno nazivu operatora za upravljanje otpadom,
- b) vrsti i klasifikaciji otpada u skladu sa katalogom otpada utvrđenim odredbama Pravilnika o kategorijama otpada sa listama („Službene novine FBiH“, broj 9/05),
- c) količini otpada izraženu u kg/m^3 ,
- d) broj dozvole o upravljanju otpadom (ako isti podliježe toj obavezi temeljem Zakona o upravljanju otpadom USK i odredaba Pravilnika o izdavanju dozvole za aktivnosti male privrede u upravljanju otpadom),
- e) način upravljanja otpadom.

Član 9.

(Izveštaj o postupanju s otpadom)

Izveštaj o postupanju s otpadom sadrži podatke o:

- a) imenu, odnosno nazivu proizvođača ili vlasnika otpada ili operatora,
- b) vrsti i klasifikaciji otpada u skladu sa katalogom otpada utvrđenim odredbama Pravilnika o kategorijama otpada sa listama („Službene novine FBiH“, broj 9/05),
- c) količini otpada izraženu u kg/m³,
- d) načinu postupanja s otpadom.

POGLAVLJE IV. ROKOVI

Član 10.

(Rok dostavljanja)

Izveštaj o podacima o proizvodnji otpada, upravljanju i postupanju s otpadom nadležni općinski organ dostavlja Ministarstvu za građenje, prostorno uređenje i zaštitu okoline najkasnije do 31. januara tekuće godine za proteklu godinu.

Član 11.

(Rokovi čuvanja evidencije o otpadu)

(1) Općinski organ uprave nadležan za poslove upravljanja otpadom dužni su da čuvaju podatke iz člana 4. Pravilnika pet godina.

(2) Ministarstvo za građenje, prostorno uređenje i zaštitu okoline dužno je čuvati podatke iz izvještaja općinskog organa uprave o podacima o proizvodnji otpada, upravljanju i postupanju s otpadom na pet godina.

POGLAVLJE V. PRELAZNE I ZAVRŠNE ODREDBE

Član 12.

(Završne odredbe)

Ovaj Pravilnik stupa na snagu osmog dana od dana objavljivanja u „Službenom glasniku Unsko-sanskog kantona“.

Broj:

MINISTRICA

Bihać, _____

Sinha Kurbegović, dipl.pravnik

Prilog

ZBIRNI IZVJEŠTAJ

Zbirni izvještaj općinskog organa o proizvodnji, upravljanju i postupanju sa otpadom za godinu: _____

Naziv općinskog organa: _____

Općina: _____

Izvještaj o proizvodnji otpada

Ime ili naziv proizvođača ili vlasnika otpada	Vrsta otpada	Klasifikacija otpada	Količina (kg/m ³)	Količina otpada koji je (privremeno) odložen

Izvještaj o upravljanju otpadom

Ime ili naziv operatora za upravljanje otpadom	Vrsta otpada	Klasifikacija otpada	Količina (kg/m ³)	Broj dozvole o upravljanju otpadom	Način upravljanja otpadom

Izvještaj o postupanju sa otpadom

Ime i naziv proizvođača ili vlasnika otpada ili operatora	Vrsta otpada	Klasifikacija otpada	Količina (kg/m ³)	Način postupanja s otpadom